

*Park Vista
Community High School*

7900 Jog Road

Lake Worth, FL33467

(561) 491-8400

Paj Entènèt: *pvchs.com*



**Pwosedì Jeneral Pou Fonksyònman
2020-2021**

ESTAF ADMINISTRATIF

Sipèentandan:

Doktè Donald E. Fennoy II

Sipèentandan Rejyonal Zòn Sid:

Dr. Peter Licata

Direktè:

Mesye Reginald B. Myers

Asistan Direktè/tris:

Madam Marie DiFonte

Mesye Brent Higley

Mrs. Mary Killee

Doktè Pia Pierre

KONTAK POU ENFÒMASYON

DIREKSYON: 491-8400

Mesye Reginald Myers, Direktè
Mesye Reggie Lanie, Asistan Direktè
Mesaj pou Powfesè ak Estaf

DIREKTRIS AKTIVITE ak ATLETIS 491-8443

Madan Pam Romero

AKADEMI KARYÈ: 491-8431

Kowòdinatris: Madam Kim Bailey

KLINIK: 491-8442

Enfimyè: Madam Tricia Marinella
Enfimyè: Madam Rebecca Grabek

LEKÒL KOMINOTÈ: 491-8448

Asistan Direktè:
Mesye Ronn Peteck

KESYON SOU ELL: 493-6892

EDIKASYON ELÈV ESPEYAL (ESE): 491-8466

Kowòdinatris: Mis Shana Wendrow

BIWO KONSEYE: 491-8420

Kowòdinatè: Mesye Rick Dewalt 491-8419
Mis Amy Carlson 491-8433
Madam Angela Lester 491-8434
Madam Megen Stair 491-8435
Mesye Peter Tarini 491-8436
Madam Mary Turner 491-8437
Madam Theresa Varano 491-8432

SANT MEDYA/Bibliyotèk: 491-8446

Espesyalis Medya:
Madam Alina Orenstein

OFISYE POLIS NAN LEKÒL: 491-8412

Mesye Tommy Gray

SÈVIS ELÈV: 491-8441

Madam Marie DiFonte 491-8417
Mesye Brent Higley 493-6892
Madam Mary Killeen 491-8416
Mesye Brian Leibowitz 491-8451
Mesye Eric Luchina 491-8414
Mesye James McDonough 491-8439
Doktè Pia Pierre 491-8415

TEKNOLOJI: 491-6842

Kowòdonatè Teknoloji:
Mesye Gregory Krieger

ORÈ SON KLÒCH

Orè Jounen 7 Peryòd

1 ^{ye}	7:30-8:20
2 ^{yèm}	8:26-9:16
3 ^{yèm}	9:22-10:12
4 ^{yèm}	10:18-11:08
5 ^{yèm}	11:14-12:08
Anons	12:04-12:08
Repa Midi	12:08-12:53
6 ^{yèm}	12:59-1:49
7 ^{yèm}	1:55-2:45



Orè Blok Jou Pè/Enpè

1 ^{ye} / 2 ^{yèm}	7:30-9:15
3 ^{yèm} / 4 ^{yèm}	9:21-11:06
5 ^{yèm}	11:12-12:09
Anons	12:02-12:09
Repa Midi	12:09-12:54
6 ^{yèm} / 7 ^{yèm}	1:00-2:45

BYENVENI NAN REJYON COBRA

- Ou dwe Poli (**C**ourteous)
- Ou dwe Alè (**O**ntime)
- Ou dwe Briyan (**B**rilliant)
- Ou dwe Responsab ak Respektye
- Ou dwe yon modèl (**A** Role Model)
- Ou dwe Pridan (**S**afe)

Orè Klòch Tès FSA

1 ^{ye} / 2 ^{yèm}	7:30 – 9:05
3 ^{yèm} / 4 ^{yèm}	9:11 – 10:45
Repa Midi	10:45 – 11:30
5 ^{yèm}	11:36 – 12:54
Anons	12:47 – 12:54
6 ^{yèm} / 7 ^{yèm}	1:00 – 2:45

Tip: Refere w a kalandriye lekòl la pou orè klòch chak jou yo.

Manke respè pou règleman lekòl la ap genyen konsekans jan sa mansyone nan Kòd Konduit Elèv la.

**PWOSEDI POU RIVE LEKÒL/LÈ
LEKÒL LAGE**

Yo atann pou elèv yo vini ak inifòm yo.

Yo atann elèv k ap mache pou yo suiv règleman sikilasyon yo epi travèse lari kote ak lè responsab èd sikilasyon yo deziye. Bisiklèt ak paten pa otorize nan lakou lekòl la epi yo dwe kadnase yo nan rak bisiklèt ki lokalize touprè pakin estaf la. Elèv yo mennen nan machin kapab desann machin nan sèlman nan zòn yo deziye a, devan lekòl la. Tanpri, evite depoze elèv yo deyò baryè a oswa nan pakin nan.

Elèv k ap kondui oblije antre nan pakin elèv la. Machin nan dwe ekspoze yon viyèt ki valid pou kapab pake nan pakin elèv la.



Ou kapab jwenn arè bis Park Vista High lè w vizite

www.palmbeachschools.org/transportation epi antre enfòmasyon yo mande yo. Se leta ki dirije zafè transpò nan bis pou elèv ki rete pi lwen pase de (2) mil de lekòl la epi se Komin nan (P-5.186) ki founi sèvis la. Pou plis enfòmasyon konsènan transpò, tanpri, kontakte sant dapèl transpò **nan 561-242-6565**. Yon elèv dwe soumèt li ak otorite ak disiplin chofè bis toutan. Monte nan bis se yon **PRIVILÈJ**.

Pwosedi pou Kite Lekòl la

Si yon elèv genyen yon randevou doktè, dantis, oswa lòt randevou ki te apwouve, pandan lè lekòl yo, li dwe konplete etap sa yo:

Avan lekòl louvri, elèv la dwe pote yon nòt paran/responsab la siyen bay Direksyon an pou verifikasyon. Li dwe enkli: non timoun nan, klas li, tip randevou, dat randevou a, lè elèv la bezwen kite lekòl la, ak nimewo telefòn paran/responsab la pou verifikasyon. Ansuit, elèv la dwe ale nan Direksyon an avan li ale epi siyen kòm sa dwa. Absans la p ap ekskize jiskaske elèv la pote yon dokiman medikal alekri doktè/dantis la bay oswa dokiman tribinal.

Elèv ki genyen mwens pase 16 an p ap otorize kite lekòl la oswa pran woulib nan men yon lòt elèv. Donk, se paran ki oblije vini chèche li.

Tout elèv ki tonbe malad dwe ale nan klinik la. Li dwe genyen yon nimewo telefòn nan lis kontak paran an ki parèt sou ekran òdinatè a kote yo kapab kontakte paran an pou yo kapab jwenn pèmisyon pou li ale lakay li.

Yo p ap lage okenn elèv avan lè, aprè 2:15 p.m. Sa ap evite bloke antre ak soti bis lekòl yo epi retade sikilasyon an.

Yon fwa yon elèv antre nan lakou lekòl la nan maten, li dwe suiv pwosedi pou pou li soti kite kanpis la.

Park Vista High genyen yon règleman lekòl baryè fèmen. ("closed campus"). Elèv yo pa kapab soti kite lekòl la yon fwa yo antre nan lakou lekòl la san yo pa siyen pou yo kòrèkteman. Eksepsyon a règ sa a se elèv ki enskri nan yon pwogram eksperyans travay. Elèv ki genyen peryòd kote yo pa genyen kou, pa dwe nan lekòl la nan moman sa yo. Si yon elèv pa genyen transpò, y ap voye l nan yon klas. Anba règleman lekòl baryè fèmen an, tout elèv ta dwe rete nan lekòl la pandan repa midi.

Elèv yo pa otorize soti kite lekòl la pou okenn rezon san otorizasyon paran yo.

Nòt: paran/responsab dwe fè mizajou kontak yo pèsònèlman nan biwo konseye akademik la. Estaf direksyon itilize sistèm idantifikasyon apèl pou verifeye apèl paran k ap rele pou yo lage pitit yo avan lè.

Reta

Yo atann pou tout elèv rive alè lekòl epi pou yo nan klas yo lè klòch reta a fin sonnen. Elèv ki rive anreta dwe ale nan Sèvis Elèv pou jwenn yon detansyon Repa Midi san Pale. Elèv ki genyen abitud rive anreta ap resevwa yon pinisyon adisyonèl.

Pou evite pinisyon pou reta, yon paran dwe akonpaye elèv la nan direksyon an lè yo rive lekòl la. Elèv paran yo mennen nan direksyon an ap resevwa sèlman 3 ekskiz pou reta pa semès. Yon paran oblije akonpaye elèv la nan direksyon an lè yo rive lekòl la. Park Vista pa aksepte nòt paran

oswa apèl telefonik pou ekskize reta. **Leve ta, rate bis, pwoblèm sikilasyon, machin oswa maladi doktè pa konfime, eltr. p ap jwenn ekskiz.**

RÈGLEMAN KAFETERYA

Pandan repa midi, yo limite elèv nan zòn sa yo nan lekòl la: kafeterya, lakou, lakou anba, sal atant gimnazyòm, sant medya, anba nan zòn bilding 4 ak 7 ak anba nan zòn bilding 4 ak 5. Estaf la kapab asiyen zòn adisyonèl lè gen move tan. Elèv yo dwe genyen yon lese pase ki di yo fin manje yon pwofesè bayo pou yo kapab ale nan yon salklas. Klib yo pwograme pou reyini nan sal 10-104 ak 10-105 pandan repa midi. Repa midi an silans ap fèt nan sal 3-102.

Akoz pwoblèm sekirite, yo pa otorize paran oswa machann pote manje ak bwason. Yo ankouraje paran pou kreye yon kont pou repa midi sou entènèt. Vizite <http://palmbeach.schoolcashionline.com>. Nenpòt lè yon elèv bliye pote repa midi oswa lajan oswa li pa genyen ase lajan nan kont li, Distri Lekòl la genyen yon règleman anplas pou ede. Yo kapab debite kont elèv lekòl segondè pou \$2.30, aprè sa y ap ranplase repa midi a ak yon lòt bagay. Ranplasman sa a se yon sandwich fwomaj avèk yon ji oswa lèt. Elèv yo pa otorize achte atik kolasyon sou kont yo si sa ap koze yo genyen yon balan negatif. Si yo remake sa repete pou yon elèv pa genyen fon pou repa midi li yo, yo dwe bay paran/responsab la enfòmasyon sou pwosesis aplikasyon pou manje gratis oswa ak pri redui a.

Repa midi nan lekòl la disponib pou lè ak pèsònèl atravè Lwa Pwogram Federal Manje nan Lekòl (Federal School Lunch Program Act). Yo sèvi yon varyete manje epi yo ofri anpil manje alakat. Nan objektif pou yo mentni yon anbyans agreyab nan kafeterya a, yo te tabli direktiv sa yo:

1. Elèv yo dwe antre epi soti nan kafeterya annòd nan pòt yo endike yo.

2. Elèv yo dwe pran yon plas nan liy nan osito yo antre nan kafeterya a. PA gen sote plas ni koupe liy nan. Pandan yon elèv nan kafeterya a li dwe chita oswa soti ale nan lakou a.
3. Konvèsasyon dwe fèt ant moun ki sou menm tab kote elèv la chita; pa gen rele nan mitan kafeterya a.
4. Yon fwa elèv yo fin manje, yo dwe netwaye tab la, retire tout rès manje ak fatra, ale lage yo nan bwat fatra.
5. Tab yo ak planche a dwe rete vid epi pwòp. Chak elèv responsab pou zòn tab kote li chita.
6. Elèv yo responsab pou kite tout zòn kote yo manje yo pwòp.
7. Fòm aplikasyon pou manje gratis oswa ak rabè disponib sou entènèt nan palmbeachschools.org/sfs epi yo disponib nan men Manadjè Kafeterya a.
8. Yo bay chak elèv k ap achte manje yon PIN (Nimewo Idantifikasyon Pèsònèl). Se sèlman moun yo te bay nimewo a ki kapab itilize li. Elèv yo dwe memorize nimewo PIN yo.

SELEBRASYON

Yo entèdi fèt nan salklas. Akoz limitasyon na espas, elèv yo kapab pote jiska de (2) balon pou selebre anivèsè nesans yo ak okazyon espesyal. Yo pa otorize machan vin delivre anyen bay elèv yo.

Elèv ki genyen sanksyon disiplinè pa kapab patisipe an evènman espesyal, sa enkli san li pa limite ak bal gradyasyon, aktivite byenveni, Fèt gradyasyon ("GRAD" bash), eltr.

KLINIK

Yon enfimiyè travay nan klinik la epi egzamine chak elèv pou detèmine gravite maladi li. Klinik la pou premye swen ak ijans sèlman. Elèv ki malad dwe prezante yo nan klinik la. Elèv yo dwe jwenn yon

lesepase nanmen pwofesè yo pou ale nan klinik la. **Si yon elèv rele paran li pou vin chèche l andeyò klinik la, elèv la dwe rete nan klas la jiskaske paran an rive epi y ap jistifye absans la.** Se sèl sou-direktè a ki kapab bay pèmisyon pou soti nan lekòl la aprè yon elèv te vini nan klinik la, yon fwa yon paran/responsab oswa yon lòt moun ki otorize dapre lis kontak la te konfime pèmisyon pou elèv la soti nan lekòl la. Si elèv la pa reyisi kontakte yon paran, li dwe retounen nan klas li.

Yon elèv k ap resevwa swen nan men yon doktè lisansye, epi ki bezwen pran medikaman, fèt pou genyen otorizasyon alekri ki soti nan men paran li ak doktè a. Elèv yo dwe jwenn fòm "**Physician Authorization for Student Medication**" nan men doktè yo epi fè paran yo siyen li. Fòm nan egzijib ni pou preskripsyon ni pou medikaman yo vann san preskripsyon. Yon fwa yo ranpli fòm nan, retounen l bay enfimye lekòl la. Yo dwe prezante medikaman an bay enfimye a nan flakon orijinal li ki soti nan famasi a ak yon etikèt. Enfimye lekòl la oswa moun ki deziye a ap kontwole administrasyon medikaman an.

Elèv yo pa otorize pote medikaman sou yo eksepte aparèy pou respire ak plim dyabetik (Epi-pens) oswa ekivalan yo. Yo p ap bay okenn elèv medikaman san fòm otorizasyon doktè a; sa enkli Midol, Tilenòl, Advil, siwo pou grip, elatriye. Yo pa kenbe atik sa yo nan klinik la. Si yon elèv bezwen nenpòt ekipman tankou beki, chèzwoulant, elatriye, pou li kapab vin lekòl la, li dwe prezante yon nòt doktè pou ekipman sa a epi yo dwe kenbe fòm sa a nan dosye elèv la genyen nan klinik la.

Tout elèv ki genyen yon maladi kwonik ak kondisyon ki mete vi yo andanje, tankou dyabèt, maladi kè, oswa alèji grav, yo ta dwe fè enfimye a konnen. Enfimye a ap evalye kondisyon yo epi detèmine bezwen pandan yo nan lekòl la. Tanpri, rele enfimye a si w genyen nenpòt kesyon.

OPSYON POU KREDI LABORATWA

Elèv ki manke kredi oswa ki pa genyen minimòm 2.0 Mwayèn Jeneral (GPA) ap rankontre ak Konseye Akademik Lekòl yo pou devlope yon plan

ratrapaj. Opsyon yo enkli, san yo pa limite ak sa: "Florida Virtual School (FLVS)/Palm Beach Virtual School, Edgenuity," kredi laboratwa, ak lòt opsyon ratrapaj kredi.

Règleman pou Ratrapaj

Elèv yo kapab repete yon kou pou yo jwenn padon si yo te fè yon *F* oubyen yon *D* (D sou baz plas ki disponib) pou kou a. Ratrapaj pou yon kou obligatwa ta dwe limite ak ranplasman yon nòt "D" oswa "F," oubyen ekivalan yon nòt "D" oswa "F," ak yon nòt "C" oubyen plis, oswa ekivalan yon nòt "C" oubyen plis, yo fè lè sa a, nan menm kou a oubyen nan yon kou konparab. Yon elèv ap jwenn padon pou yon kou sèlman si l fè yon nòt **C oubyen plis. Elèv lekòl mwayen** kapab ranplase yon nòt C, D oswa F (C oswa D yo sou baz plas ki disponib) ak yon nòt "C" oswa plis, oubyen ekivalan yon nòt "C" oubyen plis, yo fè lè sa a, nan menm kou a oswa yon kou konparab.

Elèv ki fè yon **D** nan efò pou repete kou a ap jwenn kredi pou kou sa a; sepandan, yo p ap padone movez nòt li te fè avan an. Elèv yo kapab chwazi pou yo rebran menm kou a ankò, epi lè yo fè yon **C oubyen plis**, y ap efase tout nòt yo te fè avan yo. Nan tout ka kote yo padone movez nòt yo, sèl nouvo nòt la, C oubyen plis, ta dwe sèvi pou yo kalkile mwayèn pwen elèv la (GPA). Nenpòt nòt pou yon kou yo pa t ranplase selon règleman direksyon distri lekòl la, fèt pou enkli nan kalkil total pwen (GPA) yo mande pou yon elèv gradye. Si yon elèv te soti nan Pwogram Bakaloreya Entènasyonnal (IB) la, li kapab pran yon kou ekivalan oswa ki pi ba pou jwenn padon pou yon nòt **D** oswa **F** li te fè pou yon kou IB (Egzanp: *AP Calculus* oubyen *Calculus Honors* pou padon pou *Calculus IB*). Nan tout ka kote yo te padone selon pwovizyon ki anlè la a, nòt **F** oswa **D** li te fè anvan an ap rete nan istwa akademik li. Yo ta dwe fè elèv yo konnen anpil inivèsite kalkile GPA baze sou tout kou yo te pran.

RETNI

Tout fèy retni administratif ap genyen enfòmasyon tankou dat, lè, ak lokal retni a. Retni yo fèt regilyèman nan sal sa yo:

KÒD ABIMAN

Tanpri, refere w ak Kòd Konduit Distri Lekòl Rejyon Palm Beach pou Lekòl Segondè pou plis enfòmasyon sou Kòd Abiman.

Vètman ki akseptab

- Jip, wòb, ak chòt dwe touche jenou.
- Blouz, chemiz, ak tòp yo dwe genyen manch epi yo dwe ase long pou rantre nan pantalon, chòt ak jip.
- Kòl yo dwe ase wo pou evite dekòlte.

Abiman ki entèdi

- Vètman transparan
- Vètman, bijou, bouton, elatriye, ki genyen mo, fraz, senbòl, imaj oswa ensiy ki deranjan, obsèn, vilgè, rasis, pwovokan, oubyen ki gen relasyon ak izaj dwòg oswa alkòl.
- Vètman ki defòme, degrade, oswa mal prezante drapo peyi a.
- Linèt solèy, chapo, kapichon, foula, pik, peny, kaskèt, oswa nenpòt kalite atik ki kouvri tèt. Si w oblije mete linèt solèy pandan aktivite fizik edikatif k ap fèt deyò, tanpri klarifye sa ak antrenè ki koresponn nan.
- Pantalon, jip, oubyen chòt ki rive anba senti oswa hanch.
- Chenn sakamen, chenn pou kou, oubyen tout lòt kalite chenn an metal.
- Jip ak wòb ki pi kout pase jenou oubyen ki genyen fant ki rive piwo pase jenou.
- Chemiz san manch, vètman dekòlte nan do, vètman ak bretèl.
- Pantalon oswa ba ki gen twou ak/oswa tisi transparan ki pi wo pase jenou.
- Atik ki gen referans ak lanmò, krim oswa gang.
- Vètman depyès ki ekspoze vant, do, oswa sou kote.
- Pijama, pantouf, oubyen pye atè.

Yo mande paran yo pou yo jwe yon wòl aktif nan aplikasyon règleman sa a.

EKSEPSYON: Nenpòt elèv k ap mande yon egzansyon tanporè pou kòd abiman pou rezon medikal dwe toudabò prezante yon nòt doktè bay sou-direktè ki koresponn nan pou jwenn apwobasyon.

Pwofesè Akademi pou Karyè mande elèv Akademi yo yon inifòm espesifik.

Tanpri, remake kòd konduit la efektif nan moman elèv la rive nan lakou lekòl la.

EVAKYASYON AK PRATIK

Yo revize tout detay pwosedi pou ijans ak estaf la nan kòmansman chak ane lekòl.

Selon lwa eta a, egzèsis pou ensandi fèt apeprè dis fwa pa ane. Direktiv pou wout evakyasyon yo afiche nan chak klas. Yon repetisyon pou ensandi idantifyab ak son alam lan ak limyè k ap flache yo. Yo fè yon lòt anons atravè sistèm kominikasyon entèn lekòl la apre son alam nan bay enstriksyon pou evakye. Elèv yo dwe soti nan bilding nan rapidman epi ale trankilman nan espas yo desiye yo. Yo dwe rete la avèk pwofesè yo toutan, pandan yo rete lwen wout ak twotwa yo. Lè siyal “all clear” (tout bagay klè) sonnen pou yo retounen nan klas yo, elèv yo dwe suiv menm wout yo te pran lè yo t ap evakye bilding nan.

Epitou lekòl la fè repetisyon obligatwa pou ijans kòd wouj /jòn ak tònad pandan tout ane lekòl la. Yo anonse repetisyon sa yo nan sistèm kominikasyon entèn lekòl la.

Siveyans Kamera

Pou rezon sipèvizyon, sekirite ak pwoteksyon, yo itilize kamera videyo sou lakou lekòl la ak nan bis lekòl yo.

PWOMNAD

Lè yon elèv gen lide patisipe nan nenpòt pwomnad ki apwouve ki gen rapò avèk anrichisman travay

akademik, yo egzije yon papyè pèmisyon nan men paran oswa responsab la avan dat yo pwograme pwomnad la. Pwofesè ki anchaj pwomnad la ap distribiye fèy pèmisyon yo alavans. Elèv yo ap sipoze ale nan fòm transpò responsab la te prevwa epi yo pa janm dwe itilize lòt mwayen transpò responsab pwomnad la pa t apwouve.

Pwofesè yo kapab refize bay pèmisyon yo pou yon aktivite andeyò klas la si yon elèv p ap pase klas la oswa li genyen pwoblèm absans. Elèv yo dwe konplete tout devwa yo te rate pou lòt klas yo pandan yo te ale nan pwomnad la. Yo atann pou elèv yo konpòte yon fason ki reflekte pozitivman sou lekòl la.

Aktivite

Remak: Lekòl la kenbe yon “lis obligasyon” ki endike kilè yon elèv anreta nan peman obligasyon finansyè li. Si yon elèv nan “lis obligasyon” an, li pa otorize achte tikè pou aktivite espesifik tankou seremoni “GRADYASYON” nan “Universal Studios” oswa tikè pou bal gradyasyon.

Aktivite espesyal lekòl la òganize (bal gradyasyon, fèt pou elèv k ap antre nan inivèsite), seremoni “GRADYASYON”, elatriye.) genyen egzijans espesifik pou chak aktivite elèv yo dwe satisfè pou yo kapab patisipe. Ale nan “Biwo Aktivite” a pou detay.

LESEPASE ATRAVÈ LEKÒL LA

ELÈV yo dwe genyen yon lesepase lè yo nan koulwa yo pandan lè kou yo. Se pwofesè a ki dwe bay lesepase a epi li enkli non pwofesè a ak nimewo sal la. Itilize lesepase apwopriye pwofesè a emèt la. Se nan pouvwa pwofesè a pou li bay oswa pa bay lesepase yo. Park Vista Community High School itilize yon lesepase estanda. Y ap itilize lesepase endividyèl sèlman lè yon elèv p ap retounen nan yon klas pandan peryòd

sa a. Lese pase sa yo ap genyen yon koulè diferan chak semès.

Pou rezon sekirite, yo p ap bay elèv yo lesepase premye dis minit ak dènye dis minit kou a.

KADNA AK KAZYE

Kadna ki tache nan kazye yo disponib atravè Biwo Sèvis Elèv pou \$10.00 pa ane. Yon kadna ki andomaje oswa ki pèdi ap lakoz elèv la peye \$5.00 pou ranplase li avan yo bali yon lòt kadna/kazyè.

- Yo pa dwe itilize machin kòm kazye paske elèv yo pa kapab ale nan machin yo pandan jounen lekòl la.
- Elèv yo pa gen dwa pataje kazye.
- Lekòl la pa responsab okenn atik ki pèdi oswa andomaje.
- Se responsablite elèv la pou l rapòte tout move fonksyonman yon kadna oswa kazye bay Biwo Sèvis Elèv la imedyatman.
- Y ap retire tout kadna ki nan kazye yo ki PA SOTI NAN Biwo Sèvis Elèv la san avètisman.
- Yo gen dwa fouye tout kazye elèv yo san avètisman selon Iwa Leta Florid.

PWOSEDI SANT MEDYA/Bibliyotèk

Vizite bibliyotèk Sant Medya nou an pou kreye, kolabore, epi inovè! Bibliyotèk lekòl nou an la pou ede w! Nou ouvè chak jou apati 7:00 a.m. rive 3:30 p.m. Nou genyen yon gwo koleksyon liv ak liv elektwonik sou yon gran kantite sijè ak enterè. Madam Orenstein, espesyalis Sètifye Bibliyotèk nou an bay teknik sou rechèch, fason pou jwenn enfòmasyon, ak konesans dijital. Pwogram bibliyotèk yo ofri aktivite ki pa sèlman ankouraje elèv yo li, men tou deklanche kreyativite ak aprann jwenn solisyon pwoblèm. Fè sèten ou poze Madam *Orenstein* kesyon sou *GALEe Tools*, yon sistèm jesyon rechèch sou entènèt, ansanm avèk App *Google* ki disponib pou tout elèv nan distri a.

Elèv yo kapab prete jiska dis liv yon sèl kou, epi kenbe yo pandan yon peryòd de semèn. Pandan nou pa fè peye pou liv ki depase dat pou yo te remèt yo, nou fè peye pou liv ki pèdi oswa dechire. Òdinatè, enprimant, ekipman pwodiksyon videyo, ak fotokopiez disponib pou izaj akademik. Elèv yo otorize enprime oswa kopye 10 paj an nwa e blan pa jou gratis; paj adisyonèl ap koute \$.10/paj epi kopi koulè \$.50/paj.

KOMINIKASYON AK KONFERANS ANT PARAN/PWOFESÈ

Konferans ant pwofesè ak paran yo fèt nan mèkredi, aprè lekòl lage a 3:00 p.m. nan Sant Medya a. Paran yo kapab mande yon konferans ak pwofesè yo atravè Konseye Akademik la.

Kominikasyon ant lekòl la ak lakay fèt atravè lyen paran ak lyen paran elèv nan bilten the *Cobra Bites*, *Guidance Coffee Talks*, *Facebook* ak *Twitter*. Tanpri, vizite paj entènèt lekòl la nan *pvchs.com* pou enfòmasyon ki ajou.

PAKIN NAN LEKÒL LA

Pakin lekòl la se yon pwopriyete piblik ki sou kontwòl lekòl la. Elèv ki kondui vin lekòl dakò pou yo pa itilize machin yo pou transpòte oswa sere okenn atik kontrebann, ni sèvi ak pakin nan nan okenn fason ki vyole kòd konduit Distri Lekòl la oswa lwa kriminel. Elèv yo siyen yon fòm pakin kote yo bay konsantman yo pou pèsònèl otorize fouye machin yo.

Remak: *Distri Lekòl Rejyon Palm Beach p ap pran okenn responsabilite legal pou machin ki nan lekòl la. Sèl elèv 11^{yèm} ak 12^{yèm} ane ap elijib pou achte yon viyèt pakin.*

Pwosedri pou pakin

* Ranpli yon aplikasyon pou jwenn yon pèmi pou pake. Kondisyon pèmi pou pakin: Dosye gradyasyon ki konplè sou entènèt (senyò sèlman), Jinyò oswa Senyò ki pare pou gradye, *GPA* 2.0, 20 èdtan sèvis kominotè, ak oken obligasyon finansyèl.

* Elèv yo dwe genyen yon viyèt sou vit machin yo avan yo kapab pake nan pakin elèv la.

* Achte yon viyèt pakin nan Biwo Aktivite Elèv la pandan lè repa midi oswa aprè lekòl lage.

* Fikse viyèt pakin nan yon fason pèmanan sou kote anba vit devan machin nan sou bò chofè a.

* Pake sèlman nan zòn ki deziye pou elèv yo nan kwen Nò-Ès lekòl la.

* Y ap remòke tout machin ki pa genyen yon viyèt ki vizib.

* Y ap remòke tout machin ki pake andeyò zòn pakin ki deziye pou elèv yo.

* Machin pa otorize pake pa bak. Yo dwe rantre toudwat nan espas pakin nan. Elèv yo pa kapab pake nan Pak West Boynton nan.

* Elèv yo pa otorize tounen rantre nan pakin nan pandan jounen lekòl la.

Note: Siyati w sou fòm aplikasyon pou viyèt la vle di ou dakò pou respekte règleman yo. *Y ap remòke machin oswa revoke viyèt tout vyolatè.*

AFICH/DEKORASYON

Tout afich ak bilten ki ekspozè oswa distribiye nan lekòl la dwe toudabò genyen apwobasyon estaf Biwo Aktivite yo. Yo atann tou pou elèv yo evite dekore kazye yo ak estikè oswa nenpòt lòt materyèl.

Elèv yo dwe evite abime oswa retire afich ki te apwouve.

KONSÈY AKADEMIK

Premye objektif Depatman Konsèy Akademik la se ede elèv yo rezoud pwoblèm akademik yo, konprann santiman pèsonèl yo, kote yo gen rapò ak rezoud pwoblèm ak pran desizyon, konprann konpetans yo jan yo mezire nan tès estanda yo ak nòt pèfòmans, epi seleksyone fòmasyon apre lekòl segondè ki koresponn ak enterè ak abiltè ki pral mennen yo nan yon karyè kote y ap gen siksè.

Chak elèv nan *Park Vista Community High School* genyen yon konseye akademik k ap sèvi li pandan tout ane lekòl yo. Konseye akademik la jwe yon wòl enpòtan pou ede elèv yo pran desizyon ki konsène ranman yo nan lekòl, chwazi karyè/djòb, ak chwazi kolèj.

Nan prentan chak ane, konseye akademik yo, ak èd pwofesè yo ak lòt manm estaf yo konseye epi enskri tout elèv onzyèm ane yo pou pwochenn ane lekòl la. Elèv ta dwe refere yo ak gid kourikoulòm ki sou entènèt la nan *pvchs.com*. Gid sa a bay enfòmasyon sou kourikoulòm, kondisyon pou gradyasyon, pwosedi pou gradyasyon, pwosedi pou enskripsyon, epi li sigjere pwogram etid. Nou ankouraje elèv yo enplike paran yo nan pwosesis enskripsyon an.

Epi, kòm yon efò pou ede elèv yo prepare pou antre nan kolèj, oubyen jwenn enfòmasyon adisyonèl sou divès kolèj oswa karyè, konseye akademik yo rankontre ak elèv yo epi yo bayo enfòmasyon ak resous ki disponib nan rechèch kolèj ak karyè y ap fè. Genyen yon kalandriye mansyèl nan biwo Konseye yo ki liste tout reprezantan kolèj yo ak lè yo gen pou yo vini nan Park Vista. Tanpri, wè avèk yon nan sekretè konseye yo si ou dezire pale avèk youn nan reprezantan kolèj yo. Yo pibliye yon bilten peryodik sou bousdetid, li disponib sou entènèt ak nan biwo Konseye Akademik yo.

Elèv yo kapab wè avèk yon konseye avan lekòl la kòmanse, aprè lekòl lage oswa pandan repa midi.

PRIVILÈJ ELÈV 12^{YÈM} AK 11^{YÈM} ANE

Elèv 12^{yèm} (senyò) ak 11^{yèm} ane (jinyò) ki nan chemen pou yo gradye kapab chwazi pou yo pa pwograme okenn kou nan 7^{yèm} peryòd la. Senyò yo

kapab chwazi pou yo pa pran kou nan 6^{yèm} peryòd la si yo sou chemen pou yo gradye.

ID Elèv

Tout elèv resevwa yon Kat ID elèv. Tout elèv dwe pote kat ID yo sou yo toutan. Yo itilize kat ID pou ale nan direksyon, jwenn sèvis nan bibliyotèk, endike si elèv la te retounen yon fòm konsantman pou izaj entènèt, pou achte tikè pou aktivite espesyal, pou soti nan lekòl la lè yo genyen yon orè redui, pou achte nan kafeterya a, epi pou mentni sekirite nan lekòl la. Yo kapab achte yon kat ID ranplasman nan sant medya a oswa pandan lè repa midi chak jou.

PLAN PROGRESYON ELÈV

Tanpri, ale nan lyen sa a pou plis enfòmasyon: www.palmbeachschools.org/studentprogression

PWOSEDI POU BAY NÒT



Kanè ak Bilten sou Pwogrè bibliye chak peryòd nèf semèn epi yo ta dwe reflete prezans/absans pou chak elèv. Y ap remèt elèv yo kanè twa premye peryòd yo. Y ap voye kanè pou katyèm peryòd la lakay elèv yo pa lapòs.

Men Dat distribisyon kanè yo:

1^{ye} nèf semèn yo – Poko Deside

2^{yèm} nèf semèn yo – Poko Deside

3^{yèm} nèf semèn yo – Poko Deside

4^{yèm} nèf semèn yo – Poko Deside

Y ap distribye yon rezime bilten yon paj sou pwogrè bay tout elèv yo apeprè 4 semèn ½ nan chak peryòd nòt.

Men dat distribisyon Bilten yo:

Septanm TBD Novanm TBD

Fevriye TBD Me TBD

Nòt yo ap parèt nan kanè a jan li ekri la a:

A = Siperyè

B = Piwo pase mwayèn

C = mwayèn

D = Anba mwayèn

F = P ap pase

I= Enkonplè

N = Echwe egzamen ak pèt kredi akòz vyolasyon Règleman Eta a sou Prezans

E = Senyò ki pa bezwen pran Egzamen Final

M = Pa gen Nòt Valid (Elèv ESOL sèlman)

Nòt yo dwe baze sou kalite travay ki reyalize. Prezans regilye yon elèv, preparasyon chak jou, ak remèt devwa alè dwe konsistan epi koresponn ak nòt sa yo. Y ap anrejistre yon kantite nòt sifizan pou jistifye nòt peryòd la. Nòt yon peryòd pa kapab baze sou yon sèl pwojè.

Elèv ki pa konplete tout travay ratrapaj yo dwe resevwa yon mosyon Enkonplè (I) pou peryòd la. Travay sa a dwe fini nan dis (10) jou pwochen peryòd la, sinon "I" a kapab tounen yon "F". Lèt ki koresponn ak nòt yo dwe kalkile sou yon pousantaj reyalizasyon elèv la jan li endike la a:

Echèl Nòt:

A = 100% - 90%

B = 89% - 80%

C = 79% - 70%

D = 69% - 60%

F = 59% ak pi ba

Y ap akòde kredi pa semès sèlman, eksepte pou kou fen pwogram: Algèb 1, Jewometri, Biyoloji ak Istwa Etazini. Yo p ap bay okenn mwayèn nòt anyèl. Elèv la dwe gen bon nòt nan majorite nèf semèn ak egzamen pandan yon semès detèmine pou l resevwa yon nòt pasaj pou semès la. Pou l resevwa kredi pou yon kou li pran, elèv la dwe konplete tout travay yo mande, enkli egzamen semès la.

Elèv senyò (12^{yèm} ane) k ap gradye ta dwe, selon opsyon pa yo, jwenn ekskiz pou egzamen final yo bay jis avan egzèsis gradyasyon, si yo pa t resevwa yon movèz nòt pou swa peryòd nòt nèf semèn

dènnye semès la oswa yo pa t akimile 11 oswa plis absans nan semès sa a.

Sepandan, senyò yo dwe pran egzamen nèf semèn yo si yo bay yo. Si yo pa respekte kondisyon sa a ap lakoz yo bayo yon nòt "I" (Incomplete/Enkonplè) kòm nòt semès la. Yon "I" ki parèt nan nenpòt peryòd nòt ap rete konsa jiskaske elèv yo konplete travay ki egzijib yo. Yon senyò kapab pran yon egzamen final dezyèm semès kòm yon esè pou amelyore nòt semès la nan kou sa a. (Directiv D8.05).

Pifò nòt kou lekòl segondè parèt nan relvednòt elèv la kòm nòt semès. Egzamen semès nan nivo lekòl segondè konte pou 20% nòt final semès la. Egzamen obligatwa fen pwogram Leta konte pou 30% nòt final kou a. **Tout elèv lekòl segondè dwe pran egzamen semès pou chak kou, eksepte senyò yo imedyatman avan gradyasyon.** Yo miltipliye valè chak nòt nèf semèn yo pa de epi yo ajoute l sou valè nòt egzamen semès la; yo divize total la pa senk. Tout travay ranplasaj ta dwe fèt nan de semèn fen trimès la amwenske direktè/tris la ta deside fè yon eksepsyon.

Kòd Onè

I. Objektif Fondamantal Kòd Onè

Bi Kòd Onè nan *Park Vista Community High School* se pou ankouraje yon sans etik ki fò nan elèv yo, akademikman, sosyalman, epi pèsònèlman, yon fason pou asire yo tout reyalize maksimòm kalite posib nan edikasyon pèsònèl yo. Elèv yo ap rekonèt angajman pèsònèl pa yo nan entegrite pèsònèl yo enfluyans non sèlman tèt pa yo, men tou byennèt tout kominote elèv la. Atravè pratik onètete, responsablite, responsablite finansyè, ak respè pèsònèl, ak respè pou lòt moun, elèv yo ap atenn ekselans nan pwòp edikasyon yo. Anplis, valè sa yo ap pote siksè kontini nan vi chak elèv.

II. Eksplikasyon Kòd Onè a

Dimansyon domèn akademik la konsantre ni sou edikasyon ni sou evalyasyon elèv yo; donk,

malonètete nan zòn sa yo koze echèk nan youn oswa toulede zòn yo. Yon arè nan aprantisaj ak/oswa fo rezilta evalyasyon ap gen pou rezilta yon elèv ki pa byen edike.

Kòd Onè nan *Park Vista Community High School* gen pwoblèm ak pran poul, fè fwod, ak plajye. Institisyon akademik sa a atann pou elèv yo pa patisipe nan konpòtman nou mansyone la yo ki se vyolasyon entolerab Kòd Onè a. Definisyon vyolasyon enkli, men yo pa limite ak:

A. Triche

Selon definisyon "The American Heritage Dictionary", twonpe se vyolasyon malonèt règleman oubyen bay oswa resevwa enfòmasyon ki pa otorize nan domèn akademik, aktivite ekstra kourikoulòm oswa lòt travay lekòl, yon fason pou bay oswa jwenn yon avantaj enjis.

Ekzanp triche enkli, men yo pa limite ak:

1. Kopye yon pati oswa tout devwa yon lòt elèv, devwa nan klas li, kaye, redaksyon, tè, pwojè, oswa laboratwa li, oubyen pèmèt yon lòt moun kopye devwa ou. Konpòtman twonpe enkli tou, pale, fè siy, oswa jès pandan egzamen oswa konkou rapid, oubyen travay ki fèt alavans tandiske l te dwe fèt pandan lè kou yo.
2. Depase limit tan ki mezire nan yon konkou rapid, tè, oswa devwa.
3. Anplis, destriksyon entansyonèl travay yon lòt moun klase tou nan pran poul.
4. Izaj nenpòt mwayen èd pou etidye ki pa otorize, poul, nòt klas, liv, fòmil, oswa enfòmasyon nan aparèy elektwonik, enkli mont, kalkilatis, selilè, iPod, elatriye, pou fè devwa.
5. Konesans alavans ilegal konkou rapid la, tè, oubyen egzamen an, gras ak mwayen oral oswa ekri. Sa enkli kominike bay elèv nan lòt klas enfòmasyon ki te parèt nan konkou rapid, tè, oswa egzamen yon elèv

te pran avan yon lòt.

Remak Espesyal sou Kolaborasyon:

Nou konnen pwofesè yo kapab sèten fwa ankouraje elèv kolabore, travay ansanm, etidye oswa ekri papye ansanm. Sepandan, si espri kolaborasyon ak ansèyman ak gwoup fini nan senpleman kopye travay yon elèv, papye l, redaksyon, konkou rapid, tè, pwojè li, elatriye, sa konsidere kòm twonpri se yon vyolasyon Kòd Onè Park Vista Community High School. Anplis, amwenske yon devwa eksprèsman bay pèmasyon pou angaje nan travay an kolaborasyon, yon elèv ta dwe konnen sa pa otorize.

B. Fwod

Selon definisyon “The American Heritage Dictionary”, frod defini kòm yon desepsyon yon moun pratike delibereman pou li jwenn avantaj enjis oubyen ilegal.”

Ekzanp frod enkli, men yo pa limite ak:

1. Yon moun prezante travay yon lòt moun ann antye oswa an pati, kòm pwòp travay pa li, enkli devwa (redaksyon, pwojè, ak rezilta rechèch), imaj, teknoloji, elatriye.
2. Falsifikasyon done syantifik oswa lòt rechèch li remèt pou jwenn kredi.
3. Fòje siyati lòt moun
4. Modifye oswa trafike dokiman ofisyèl, swa ak mwayen teknolojik oswa sou kopi enprime.

C. Plajyaris

Selon definisyon “The American Heritage Dictionary”, plajyaris se lè yon moun vòlè epi fè (lide oswa travay yon lòt moun) pase kòm lide pa li: (pwodiksyon yon lòt moun) san w pa bay sous la kredi.”

Egzanp plajye enkli, men yo pa limite ak:

1. Yon moun ki kopye langaj, rechèch, ak/oubyen lide yon lòt moun san dokimantasyon apwopriye ak rekonesans sous la (sa vle di san dokimantasyon nan parantèz oubyen nòt anba paj yo); sa enkli kopye epi mete tèks yon lòt moun oswa plizyè paj entènèt an pati oswa konplètman, nan pwòp travay pa li san l pa parafraze, itilize dokimantasyon apwopriye, oswa plase gimè otou materyèl la.
2. Yon moun ki kite nenpòt moun fè yon devwa pou li, tankou ekri disètasyon oubyen fè yon pwojè, epi soumèt li kòm pwòp travay pa li. (tankou yon paran oswa yon zanmi).
3. Yon moun ki remèt kòm pwòp travay li yon devwa/travay li te soumèt deja.
4. Lè yon elèv pa site sous li kòrèkteman pou yon devwa espesifik. San l pa atribye sitasyon bay otè yo, papye a vin yon plajye lè elèv la prezante travay la kòm pwòp travay li tandiske se pa vre.

Remak Espesyal sou Parafraz:

Inivèsite Wisconsin defini parafraz kòm lè w mete yon pasaj yon otè nan “pwòp mo pa w”. sa egzijze modifikasyon langaj ak estrikti a ak adisyon lòt materyèl pou adapte l ak nouvo kontèks ak objektif yo. Imajine kijan “pwòp mo pa w” t ap ye si w t ap di yon lòt moun ki pa famiyè ak sijè a.

D. Responsablite

Pwosesis aprantisaj la ak rigè akademik Park Vista High School fleri lè tout elèv angaje nan ideyal onètte ak entegrite. Inivèsite renome eta nou a (Flagship University) (University of Florida) reconèt yon prensip fondamantal tout pwosesis aprantisaj la ak pousuit konesans diminye lè moun triche, plajye, ak komèt nenpòt lòt ak akademik malonèt. Anplis, chak ak malonèt nan anviwònman akademik la afekte lòt elèv yon fason negatif, soti nan devye koub fason yo bay nòt, rive nan bay avantaj enjis pou yon elèv sou lisdonè oswa pou antre nan

Sosyete Onorifik, Plasman nan Klas Nivo Avanse oswa admisyon nan kolèj. Se pou sa, Park Vista ap pran mezi sevè kont tout elèv malonèt.

1. Responsablite Elèv:

- a) Konplete chak devwa, disètasyon, aktivite, pwojè, konkou rapid, laboratwa, elatriye, yon fason onorab, evite twonpri, fè frod, oswa plajye jan nou souliye sa piwo a.
- b) Konprann nati Kòd Onè a, règ patikilye li yo, ak direktiv chak pwofesè an patikilye.
- c) Chèche klarifikasyon nan men pwofesè a si w genyen nenpòt kesyon oswa konfizyon ki ta parèt konsènan devwa yo.
- d) Pwoteje travay ou kont lòt moun ki ta vle itilize l nan bi ki kontrè ak Kòd Onè a.
- e) Dekouraje lòt moun pou yo pa vyole Kòd Onè a; sipòte Pratik ki kòrèk nan mitan kominote elèv yo.

2. Responsablite Pwofesè:

- a) Ankouraje aderans ak Kòd Onè Akademik
- b) Defini epi prezante Kòd Onè a klèman bay elèv yo.
- c) Klarifye ki èd pou etid ak teknik kolaborasyon ki akseptab nan klas pwofesè a.
- d) Sipèvizite entegrite evalyasyon konvansyonèl yo (sa vle di egzamen)
- e) Rapòte tout vyolasyon Kòd Onè bay komite Kòd Onè a, e si sa nesesè, bay paran/responsab, konseye, administrate/tris, ak lòt moun ki

konsène.

- f) Pwoteje kont plajyaris pandan y ap itilize yon varyete teknik, ki enkli (men yo pa limite ak) *Turnitin.com*
- g) Bay yon zewo oswa yon *F* pou devwa, konkou rapid, tè, pwojè, papye, laboratwa, rapò, elatriye, ki vyole Kòd Onè a.

3. Responsablite Administratè:

- a) Ankouraje respè Kòd Onè a
- b) Defini epi prezante Kòd Onè a klèman bay elèv yo
- c) Bay aksè fasil ak Kòd Onè lekòl la bay elèv yo, pwofesè ak paran yo.
- d) Itilize disiplin ki jis pou vyolasyon Kòd Onè yo ann akò ak matris disiplin pwogresif Distri Lekòl Rejyon Palm Beach la.

4. Responsablite Paran/Responsab:

- a) Ankouraje aderans ak Kòd Onè pandan y ap fè elèv la konnen pou l respekte Kòd Onè a jan yo defini l la.
- b) Kenbe yo okouran règleman Kòd Onè yo ak konsekans yo, espesyalman règleman endividyèl pwofesè a jan li endike l nan pwogram kou a.
- c) Sipòte mezi disiplinè yo pran si ta genyen vyolasyon Kòd Onè a ki ta fèt.

III. Pinisyon pou Vyolasyon Kòd Onè

Pinisyon pou vyolasyon Kod Onè *Park Vista Community High* ap enkli:

- A. Resevwa yon move nòt pou devwa a
- B. Rekòmandasyon bay administrasyon an pou mezi disiplinè.
- C. Pèdi pozisyon lidèchip (oswa abilte pou okipe yon pozisyon lidèchip) nan nenpòt sosyete onorifik, klib oubyen espò selon desizyon òganizatè/tris la.
- D. Pèdi pozisyon kòm manm nan tout sosyete onorifik yo selon desizyon òganizatè/tris la.
- E. Pèdi patisipasyon nan klib/espò/aktivite lekòl la òganize selon desizyon òganizatè/tris la.

IV. Sèman (Pwomès)

Nou ankouraje elèv yo suiv Kòd Onè epi pran angajman reyalize objektif nou dekri an detay piwo a pandan y ap fè sèman pou yo respekte kòd onè a nan tout travay akademik y ap fè isit nan *Park Vista High*.

“Mwen fè sèman sou lonè m mwen pa bay ni resevwa asistans ilegal nan travay sa a.”

Yo kapab mande elèv yo pou yo ekri deklarasyon sa a sou devwa, konkou rapid, tès, papye, pwojè, elatriye. Nenpòt elèv ki pa ekri sèman an epi siyen l kapab genyen pou li defann entegrite travay li devan pwofesè a.

PREMYE AK DEZYÈM LOREYA

Pou li elijib pou l genyen estati premye/dezyèm loreya, yon elèv dwe enskri epi ale nan menm lekòl segondè piblik la nan Rejyon Palm Beach pandan twazan, de ladan yo dwe se onzyèm ak douzyèm ane. Yon elèv ki chanje lekòl akòz yon chanjman zòn distri a fè ap elijib pou yo rekonèt li kòm premye oswa dezyèm loreya san li pa ranpli kondisyon pou l te pase twazan nan menm lekòl piblik la. Sepandan, elèv la dwe te enskri nan lekòl piblik distri a pandan twazan. Elèv ki chwazi opsyon gradyasyon ak 18 kredi yo, oswa pou yo konplete opsyon 24 kredi bonè kapab ko-premye oubyen dezyèm loreya. Sepandan, yon elèv ki anwole aplentan nan pwogram admisyon

prematire nan yon kolèj oswa inivèsite pandan li nan douzyèm ane, pa elijib pou distenksyon sa a.

Detèminasyon Premye ak Dezyèm Loreya

* Plas premye/dezyèm loreya yo ap baze sou pwen onè meritwa (HPA), ki soti nan nòt elèv la fè depi apre li te pase klas uityèm ane jiska premye trimès douzyèm ane.

* Premye loreya (Valedictorian) a se elèv ki genyen pigwo pwen onè meritwa (HPA). Kalkil HPA ap fèt rive nan dimilyèm plas.

* Dezyèm loreya a (Salutatorian) se elèv ki genyen dezyèm pigwo pwen onè meritwa (HPA). Kalkil HPA ap fèt rive nan dimilyèm plas.

* Nan ka ta genyen yon egalite nan pigwo HPA, y ap nonmen de ko-premye loreya epi elèv ki te nan twazyèm pozisyon an ap vin dezyèm loreya. Nan ka ta genyen yon egalite nan dezyèm pigwo HPA a, y ap nonmen de ko-dezyèm loreya.

Kalkil pou premye ak dezyèm loreya ap fèt nan fen premye trimès la. Kalkil la ap enkli sa ki ekri la:

* Nòt elèv la te fè lè l te pase uityèm ane.

* Nòt li te fè nan kou yo te apwouve nan anwolman doub li te pran nan enstitisyon ki nan akò atikilasyon entè-enstitisyonèl Distri a.

Règleman sa a pa garanti premye/dezyèm loreya ap fè diskou pwomosyon an. Direktè/tris la genyen otorite pou li ekskli premye/dezyèm loreya a nan distenksyon sa a.

KALKIL MWAYÈN JENERAL (GPA)

Yo itilize tout kou elèv la nan kalkil mwayèn pwen onorifik yo. Yo detèmine grad klas la sou kalite pwen ki asiye ak kou yo selon nivo difikilte yo.

Kalite pwen yo asiye ak klas nan divès nivo kou sa yo se jan li prezante la a:

Kou Regilye

A = 4.000
B = 3.000
C = 2.000
D = 1.000

F = 0.000

Kou Onè

A = 4.500
B = 3.375
C = 2.250
D = 1.125
F = 0.000

Klas Plasman Avanse / AICE / Anwòlman Doub

A = 6.0
B = 4.500
C = 3.000
D = 1.500
F = 0.000

PWOMOSYON ELÈV



Ane antre nan lekòl segondè pral detèmine klasifikasyon nòt yon elèv. Li fèt pou satisfè tout kondisyon pou gradyasyon yo pou li gradye.

TLE (IZAJ AKSEPTAB AK PÈMISYON DIREKTÈ/TRIS LA SÈLMAN)

Yo konsidere elèv ki nan pwomad oswa aktivite lekòl la òganize ak apwobasyon direktè/tris la, kòm si yo nan TLE (Aprantisaj Tanporè nan yon lòt Lokasyon). Tan sa yo pase andeyò klas la pa konsidere kòm absans amwenske elèv la pa t soumèt fòm pèmision paran an kòrèkteman oswa li pa t ranpli kondisyon pou li te patisipe nan aktivite a.

ATIK PÈSONÈL NAN LEKÒL LA

Nenpòt elèv ki chwazi pote yon selilè, lòt aparèy kominikasyon san fil, ak aparèy elektwonik (iPods, elatriye.) nan lekòl la dwe fè sa ak pwòp risk li epi li dwe responsab pèsonèlman pou sekirite aparèy la. Ni pèsonèl lekòl la, ni Direksyon an p ap pran responsablite pou ekipman ki pèdi, domaje oswa

vandalis ki fèt sou okenn ekipman.


Y ap depoze atik ki pèdi yo nan biwo Sèvis Elèv la.
Pou reklame atik ki pèdi yo yon elèv dwe prezante
kat ID lekòl la ki gen foto li.

VIZITÈ NAN LEKÒL LA

Tout vizitè k ap vin lekòl la ta dwe ale nan direksyon
an osito li rive nan lekòl la anvan li kapab vizite lekòl
la. **Elèv yo pa otorize mennen okenn envite nan
lekòl la pou kèlkeswa rezon an. Elèv ki soti nan
lòt lekòl pa otorize vizite lekòl la oswa lòt klas.**
Paran ki swete pale ak pwofesè dwe fè sa sou
randevou. Moun ki nan lekòl la ki vin chèche elèv
dwe rete nan machin yo epi pa entèfere ak
pwogram lekòl la nan okenn manyè.

Sèvis Elèv, Konsèy, Atletis ak Aktivite, ak biwo ESE
louvri sèlman pou elèv aktyèl yo soti midi rive 1 p.m.
chak jou.

Park Vista Community High School



Antre Prensipal la NORTHTREE BLVD.

- Bldg. 1- Biwo Administrasyon, Sant Medya
 - Bldg. 2- Kafeterya
 - Bldg. 3- Anglè ak Syans
 - Bldg. 4- Etaj- Teknoloji Enfòmatrik ak Anglè
 - Bldg. 4- Anba- Boza, ESE, ak Gouvènman Elèv
 - Bldg. 5- Etaj- Anglè
 - Bldg. 5- Anba- Lekti ak Anglè 9^{yèm}
 - Bldg. 6- Etaj- Syans Sosyal
 - Bldg. 6- Anba- Matematik
 - Bldg. 7- Etaj- Syans
 - Bldg. 7- Anba- Syans ak ESE
 - Bldg. 8- Òkès, Koral, Syans
 - Bldg. 9- Oditoryòm, Estidyo TV/Sinema
 - Bldg. 10- Jimnazyòm
 - Bldg. 11- Sal Machin
 - Bldg. 12- Estad
 - Bldg. 13- Laboratwa Mekanik
 - Bldg. 14- Laboratwa Metye Sante
 - Bldg. 50- Etaj- Lang Entènasyonal
 - Bldg. 50- Anba- Syans Sosyal ak Syans
 - P6-P13- Salklas Pòtab
- *Note: Tout salklas 100 yo anba
 Tout salklas 200 yo nan premye etaj
 Egzanp: Sal 5-103 se anba nan bilding 5